

PRIJEDLOG

Na osnovu člana 132. a u vezi sa članom 124. tačka f) Zakona o zaštiti od požara i vatrogastvu ("Službene novine Zeničko-dobojskog kantona", broj: 5/11), člana 7. Pravilnika o uslovima, osnovama i kriterijima za razvrstavanje građevina u kategorije ugroženosti od požara ("Službene novine Federacije BiH" broj: 79/11) i člana 18. Statuta Općine Maglaj- prečišćen tekst ("Službene novine Općine Maglaj", br. 8/07, 3/08 i 6/08) Općinsko vijeće Maglaj na _____sjednici, održanoj _____, d o n o s i :

ODLUKU o naknadama za vatrogastvo

Član 1.

Ovom Odlukom utvrđuju se: obveznici, visina naknade za vatrogastvo, način prikupljanja sredstava, namjena sredstava i rokovi plaćanja.

Član 2.

Obveznici naknade iz prethodnog člana su vlasnici ili korisnici poslovnih objekata koji su u upotrebi, a svrstavaju se u sljedeće kategorije:

I kategorija:

- Industrijski objekti u kojima se proizvode, prerađuju i skladište zapaljive ili eksplozivne materije,
- poslovni objekti čija je bruto površina svih prostora veća od 5000 m²,
- benzinske pumpe sa više od dva mjesta za pretakanje goriva ili rezervoarom većim od 1000 m³, skladišta nafte kapaciteta većeg od 50 t,
- skladišta površine veće od 3000 m²,
- međugradske telekomunikacijske linije, bazne stanice i relejni tornjevi, elektro dalekovodi i trafostanice, energetske objekti instalirane snage veće od 1 MW i građevine za proizvodnju toplotne energije snage veće od 1MW.

II kategorija:

- Objekti u kojima se odvija tehnološki proces bez opasnosti za čovjeka i okoliš, a kod kojih je korisna površina svih prostora veća od 600 m²,
- benzinske pumpe sa do dva mjesta za pretakanje goriva ili rezervoarom manjim od 1000 m³, skladišta nafte kapaciteta manjeg od 50 t,
- skladišta površine od 1000- 3000 m²,
- energetske objekti instalirane snage manje od 1 MW i građevine za proizvodnju toplotne energije snage manje od 1MW,
- odlagališta otpada.

III kategorija :

- Poslovni objekti kod kojih je korisna površina svih prostora veća od 200 m², a manja od 600 m²,
- skladišta površine do 1000 m².

IV kategorija:

- Poslovni objekti, korisne površine veće od 50 m², a manje od 200 m².

V kategorija :

- Objekti za javnu upotrebu koji se koriste za zdravstvene, obrazovne, kulturne i sportske djelatnosti,
- poslovni objekti korisne površine veće od 30 m², a manje od 50 m².

VI kategorija:

- Poslovni objekti (zanatske, trgovačke, agencije, knjigovodstveni servisi, uredi, mikrokreditne organizacije, ugostiteljske radnje i druge) bruto korisne površine do 30 m².

VII Kategorija:

- Privredna društva koja gazduju šumama, po hektaru obraslom šumom.

Član 3.

Pravna lica koja formiraju vlastitu profesionalnu vatrogasnu jedinicu isključuju se od obaveze plaćanja naknade.

Član 4.

Obveznici iz člana 2. ove Odluke koji registruju firmu bit će oslobođeni od plaćanja naknade do kraja tekuće godine u kojoj je firma registrovana.

Član 5.

Naknada obveznika iz člana 2. ove Odluke, određuje se prema jedinici površine koju koriste te prema požarnoj ugroženosti, a ona na godišnjem nivou iznosi:

- | | |
|---|------------|
| - za I kategoriju visina naknade iznosi | 500,00 KM |
| - za II kategoriju visina naknade iznosi | 450,00 KM |
| - za III kategoriju visina naknade iznosi | 350,00 KM |
| - za IV kategoriju visina naknade iznosi | 90,00 KM |
| - za V kategoriju visina naknade iznosi | 60,00 KM |
| - za VI kategoriju visina naknade iznosi | 25,00 KM |
| - za VII kategoriju visina naknade iznosi | 0,20 KM/ha |

Član 6.

Ukoliko je obveznik naknade iz člana 2. ove Odluke vlasnik ili korisnik više poslovnih objekata iste namjene, naknada će mu se utvrditi za najviše dva objekta iz pripadajuće kategorije.

Ukoliko je obveznik naknade iz člana 2. ove Odluke vlasnik ili korisnik više poslovnih objekata različite namjene, naknada će mu se utvrditi za najviše dva objekta iz pripadajuće najveće kategorije svih kategoriziranih objekata.

Član 7.

Sredstva koja će se ostvariti iz naknade po osnovu ove Odluke, koristit će se za:

- 1) nabavku vatrogasne opreme, tehničkih i drugih sredstava za vatrogasnu jedinicu,
- 2) održavanje opreme i vatrogasnih sredstava,
- 3) stručno obučavanje i osposobljavanje vatrogasaca,
- 4) investicionu izgradnju i opremanje objekata za potrebe vatrogasnih jedinica.

Član 8.

Utrošak sredstava naknade za vatrogastvo vrši se na osnovu godišnjeg Plana prihoda i rashoda naknade za vatrogastvo.

Plan utroška naknade za vatrogastvo donosi se do 31. decembra tekuće za narednu godinu.

Član 9.

Računovodstvene i knjigovodstvene poslove naknade za vatrogastvo vodi Služba za privredu, finansije/financije i razvoj poduzetništva.

Član 10.

Administrativno-stručne poslove koji se odnose na praćenje prikupljanja sredstava naknade za vatrogastvo i izradu Plana utroška naknade za vatrogastvo vrši Služba civilne zaštite.

Član 11.

Služba civilne zaštite će, po stupanju na snagu ove Odluke, do 31. marta tekuće godine izdati rješenja za obveznike naknade za vatrogastvo.

Član 12.

Naknadu iz člana 4. ove Odluke, obveznici su dužni platiti na račun Budžeta Općine, u korist naknade za vatrogastvo, po ispostavljenom rješenju najkasnije do 30.06. tekuće godine. Po žalbama protiv rješenja o naknadama za vatrogastvo u drugom stepenu rješava Drugostepena stručna komisija Općine Maglaj.

Član 13.

Ova Odluka stupa na snagu 8. dana od dana objave u „Službenim novinama Općine Maglaj“.

Broj akata:

Maglaj,

PREDSJEDAVAJUĆA

Svjetlana Zamboni

OBRAZLOŽENJE :

I PRAVNI OSNOV

Pravni osnov za donošenje Odluke o naknadama za vatrogastvo Općine Maglaj sadržan je u članu 124. tačka f) Zakona o zaštiti od požara i vatrogastvu ("Službene novine Zeničko-dobojskog kantona", broj: 5/11), članu 7. Pravilnika o uslovima, osnovama i kriterijima za razvrstavanje građevina u kategorije ugroženosti od požara ("Službene novine Federacije BiH" broj: 79/11) i članu 18. Statuta Općine Maglaj- prečišćen tekst ("Službene novine Općine Maglaj", broj: 8/07, 3/08 i 6/08). U vezi sa članom 124. tačka f) Zakona o zaštiti od požara i vatrogastvu ("Službene novine Zeničko-dobojskog kantona", broj: 5/11), članom 132. istog Zakona, definiše se mogućnost, forma i način donošenja Odluke o taksama odnosno naknadama za vatrogastvo.

II RAZLOZI ZA DONOŠENJE

Razlozi za donošenje ove Odluke, osim temeljenja u zakonima, proizilaze iz potrebe unapređenja zaštite od požara, a prije svega vatrogasne djelatnosti na području općine Maglaj. Svi smo svjedoci sušnih perioda, koji u velikoj mjeri utječu i na povećanje broja vatrogasnih intervencija. Cijeneći činjenicu da je veći dio teritorije općine Maglaj pokriven šumama, nimalo ne čudi da, iz godine u godinu, profesionalna vatrogasna jedinica općine Maglaj bilježi sve veći broj intervencija gašenja šumskih požara. Nadalje, gotovo da je "vidljiv" svakodnevni porast požarnog opterećenja, determiniran izgradnjom novih poslovnih i stambenih objekata, na novim lokacijama i nerijetko sa novim tehnologijama, tako da se i broj vatrogasnih intervencija na objektima, iz godine u godinu povećava. Pridodajući ovim intervencijama i sve ostale tehničke intervencije vezane u prvom redu za spašavanja prilikom saobraćajnih, ali i drugih nesreća, onda je jasno, da vatrogasna jedinica kao jedina operativna struktura zaštite i spašavanja sa 24-satnim dežurstvom, mora biti i adekvatno opremljena kako bi uopće mogla obavljati svoju humanu i zakonom propisanu djelatnost. Stoga, uzimajući u obzir činjenicu da su vatrogasna vozila, sprave i oprema izuzetno skupi, pozivajući se na načelo solidarnosti i činjenicu da se ovaj vid pomoći, mora pružiti i pruža svakom, u slučaju nastanka požara ili druge nesreće na području općine Maglaj, temeljimo drugi razlog donošenja ove Odluke.

Obradivač: Haris Šahman

Kontrolor: Anto Maglica



PREDLAGAČ:

OPĆINSKI NAČELNIK
Mirsad Mahmutagić

